

古詩錄

民國十五年季冬重印

掃葉山房發行

宛鄰書屋古詩錄卷七

陽湖張琦

宋詩九家八十三首

文帝北伐詩

魏主叢累寇青兗殺掠甚衆文帝思宏經畧詔羣臣北伐復為詩詔曰吾少覽篇籍頗愛文義游衍玩采未能

息卷自纓縛世務情兼家國從存日昃終有漸德而區宇未一師健代有永言斯瘼彌干其慮加疲疾少增志隨時往屬思之功與事而廢殘產游魂齊氏塗炭乃眷北顧無忘宏拯思總羣謀掃清通逆感慨之來遂成短韻卿等體國情深亦當義篤其懷也

季文鑒禍先辛生識機始崇替非無徵興廢要有以自昔淪中畿修焉盈百祀不覩南雲陰但見胡塵起亂極治方形塗秦由積否方欲除遺氛矧乃穢邊鄙眷言悼斯民納隍良在己逝將振宏綱一麾同文軌

文帝滑臺詩

宋書元嘉七年魏主叢大衆南渡河諸將戰守彌時滑臺虎牢並沒司州刺史尹冲榮陽太守崔模抗節不屈

投壘死文帝歎憤作詩

逆鹵亂疆場邊將嬰寇仇堅城效貞節攻戰無暫休覆瀋不可拾離機難復收勢謝歸塗單於馬見幽囚烈烈制邑守舍命臨前修忠臣表年暮真柯見嚴秋楚莊投袂起終然報強讐去病辭高館卒得舒國憂戎事諒未殄民患焉得瘳撫劍懷感激志氣若雲浮願想凌扶搖弭旆拂中州爪牙

申威靈。帷幄騁良籌。華裔混殊風。率土決皇猷。惆悵懼遷逝。北顧涕交流。
武帝自君之出矣

自君之出矣。金翠閣無精。思君如日月。回還晝夜生。

武帝拜衡陽文王義季墓

昧旦憑行轍。濡露及山庭。投步矜履蹈。舉目增淒清。輶路滅歸軫。淪闔負
重局。深松朝已霧。幽隧晏未明。長楊敷晚素。宿草披初青。哀往起沈泉。追
愛慟中情。竹泉憑年遠。世範隨伏傾。

武帝望月

塞幕蕩暄氣。入夜漸流清。微微風始發。曖曖月初明。思因往物深。悲以歸
雲盈。

南平王鐔擬行行重行行

眇眇陵長道。遙遙行遠之。迴車背京邑。揮手從此辭。堂上流塵生。庭中綠
草滋。寒蟬翔水曲。秋兔依山基。芳年有華月。佳人無還期。日夕涼風起。對
酒長相思。悲發江南調。憂委子衿詩。卧覺明燈晦。坐見輕紈縑。淚容不可

飾幽鏡難復治。願垂薄暮景。照妾桑榆時。

南平王鑠擬明月何皎皎

落宿半遙城。浮雲謁層闕。玉宇來清風。羅帳延秋月。結思想伊人。沈憂懷
明發。誰為客行久。屢見流芳歇。河廣川無梁。山高路難越。

何承天芳樹篇

芳樹生北庭。豐隆正徘徊。翠穎陵冬秀。紅葩迎春開。佳人閒幽室。惠心婉
以諧。蘭房掩綺幌。綠草被長階。日夕遊雲際。歸禽命同棲。皓月盈素景。涼
風拂中閨。哀絃理虛堂。要妙清且淒。嘯歌流激楚。傷此碩人懷。梁塵集丹
帷。微飈揚羅袿。豈怨嘉時暮。徒惜良願乖。

顏延之車駕幸京口侍遊祿山作

玄天高北列。日觀臨東溟。八河起陽峽。踐華因削成。巖險去漢宇。襟衛徙
吳京。流池自化造。山關固神營。園縣極方望。邑社總地靈。宅道炳星緯。誕
耀應辰明。睿思纏故里。巡駕匝舊圻。陟峯騰輦路。尋雲抗瑤臺。春江壯風
濤。蘭野茂萋英。宣遊宏下濟。窮遠凝聖情。嶽濱有和會。祥習在卜征。周南

悲昔老留滯感遺氓空食疲廊肆反稅事巖耕

顏延之車駕幸京口三月三日侍遊曲阿後湖作

虞風載帝狩夏諺頌王遊春方動宸駕望幸傾五州山祇蹕嶠路水若警
滄流神御出瑤軫天儀降藻舟萬軸允行衛千翼泛飛浮彫雲麗璇蓋祥
飈被綵旂江南進荆豔河激獻趙謳金練照海浦茄鼓震溟洲藐眄覲青
崖行漾觀綠疇民靈騫都野鱗翰聳淵邱德禮既普洽川嶽徧懷柔

顏延之贈王太常

玉水記方流璇源載圖折蓄寶每希聲雖祕猶彰徹聆龍睇九淵聞鳳窺
丹穴厯聽豈多士歸然觀時哲舒文廣國華敷言達朝列德輝灼邦懋芳
風被鄉奎側同幽人居郊扉常晝閑林閤時宴開亟迴長者轍庭昏見野
陰山明望松雪靜惟浹羣化徂生入窮節豫往誠歡歇悲來非樂闕屬美
謝繁翰遙懷具短札

顏延之夏夜呈從兄散騎車長沙

炎天方埃鬱暑晏閑塵紛獨靜闕偶坐臨堂對星分側聽風薄木遙睇月

開雲夜蟬當夏急。陰蟲先秋聞。歲候初過半。荃蕙豈久芬。屏居惻物變。慕類抱情殷。九逝非空思。七襄無成文。

顏延之北使洛

改服飾徒旅。首路踰險艱。振楫發吳洲。秣馬陵楚山。塗出梁宋郊。道由周鄭閒。前登陽城路。日夕望三川。在昔輟期運。經始濶聖賢。伊瀝絕津濟。臺館無尺椽。宮陞多巢穴。城闕生雲烟。王猷升八表。嗟行方暮年。陰風振涼野。飛雲瞽窮天。臨塗未及引。置酒慘無言。隱憫徒御悲。威遞良馬煩。遊役去芳時。歸來屢徂讐。蓬心既已矣。飛薄殊亦然。

顏延之還至梁城作

自洛還也

眇然軌路長。憔悴征戍勤。昔邁先祖師。今來後歸軍。振策睠東路。傾側不及羣。息徒顧將夕。極望梁陳分。故國多喬木。空城凝寒雲。邱隴填郭郭。銘誌滅無文。木石扃幽閨。秦苗延高墳。惟彼雍門子。吁嗟孟嘗君。愚賤同埤滅。尊貴誰獨聞。曷為久遊客。憂念坐自殷。

顏延之始安郡還都與張湘州登巴陵城樓作

江漢分楚望。衡巫奠南服。三湘淪洞庭。七澤藹荆牧。經塗延舊軌。登闥訪川陸。水國周地險。河山信重複。卻倚雲夢林。前瞻京臺囿。清霧霽岳陽。曹暉薄瀾澳。悽矣自遠風。傷哉千里目。萬古陳往還。百代勞起伏。存沒竟何人。炯介在明淑。請從上世人。歸來藝桑竹。

顏延之秋胡詩九首

椅梧傾高鳳。寒谷待鳴律。影響豈不懷。自遠每相匹。婉彼幽閒女。作嬪君子室。峻節貫秋霜。明豔侔朝日。嘉運既我從。欣願自此畢。

燕居未及好。良人顧有違。脫巾千里外。結綬登王畿。戒徒在昧旦。左右來相依。驅車出郊郭。行路正威遲。存為久離別。沒為長不歸。

嗟予怨行役。三陟窮晨暮。嚴駕越風寒。解鞍犯霜露。原隰多悲涼。回飈卷高樹。離獸起荒谿。驚鳥縱橫去。悲哉遊宦子。勞此山川路。

超搖行人遠。宛轉年運徂。良時為此別。日月方向除。孰知寒暑積。傴僂見榮枯。歲暮臨空房。涼風起坐隅。寢興日已寒。白露生庭蕪。

勤役從歸願。反路遵山河。昔辭秋未素。今也歲載華。蠶月歡時暇。桑野多

經過佳人從所務。窈窕援高柯。傾城誰不顧。弭節停中阿。
年往誠思勞。路遠濶音形。雖為五載別。相與昧平生。捨車遵往路。鳬藻馳
目成。南金豈不重。聊自意所輕。義心多苦調。密比金玉聲。

高節難久淹。竭來空復辭。遲遲前途盡。依依造門基。上堂拜嘉慶。入室問
何之。日暮行采歸。物色桑榆時。美人望昏至。慙歎前相持。

有懷誰能已。聊用申苦難。離居殊年載。一別阻河關。春來無時豫。秋至恒
早寒。明發動愁心。閨中起長歎。慘悽歲方晏。日落遊子顏。

高張生絕弦。聲急由調起。自昔枉光塵。結言固終始。如何久為別。百行讐
諸已。君子失明義。誰與偕沒齒。愧彼行露詩。甘之長川汜。

顧延之五君詠五首

延年領步兵校尉疏誕不能取容當世劉湛言
於彭城王義康出為永嘉守延年怒憤乃作五

君詠自況山濤王
戎以貴顯不及

阮步兵

阮公雖淪跡。識密鑒亦洞。沈醉似埋照。寓辭類託諷。長嘯若懷人。越禮自
驚衆。物故不可論。途窮能無慟。

世宗錄
嵇中散

中散不偶世。本自餐霞人。形解驗默仙。吐論知凝神。立俗迕流議。尋山洽隱淪。鸞翮有時鍛。龍性誰能馴。

劉參軍

劉伶善閉關。懷情滅聞見。鼓鐘不足歡。榮色豈能眩。韜精日沈飲。誰知非荒宴。頌酒雖短章。深衷自此見。

阮始平

仲容青雲器。實稟生民秀。達音何用深。識微在金奏。郭奕已心醉。山公非虛覲。屢薦不入官。一麾乃出守。

向常侍

向秀甘澹泊。深心託毫素。探道好淵玄。觀書鄙章句。交呂既鴻軒。攀嵇亦鳳舉。流連河裏遊。惻愴山陽賦。

顏延之歸鴻

昧旦濡和風。霑露踐朝暉。萬有皆同春。鴻雁獨辭歸。相鳴去澗汜。長引發

江畿。曠潔登雲侶。連綿千里飛。長懷河朔路。緬與湘漢違。

謝莊七夕夜詠牛女應制

輟機起春暮。停箱動秋襟。璇居照漢右。芝駕肅河陰。容裔泛星道。逶迤濟
烟潯。陸離迎宵佩。倏爍望昏簪。俱傾環氣怒。共歇決年心。珠殿釭未沫。瑤
庭路已深。夕情豈淹拂。弦輝無久臨。

謝莊遊豫章西觀洪崖井

幽願平生積。野好歲月彌。捨簪神區外。整褐靈鄉垂。林遠炎天隔。山深白
日虧。遊陰騰鵲嶺。飛清起鳳池。隱曖松霞被。容與澗烟移。將遂邱中性。結
駕終在斯。

謝靈運悲哉行

萋萋春草生。王孫遊有情。差池燕始飛。夭裊桃初榮。灼灼桃悅色。飛飛燕
弄聲。檐上雲結陰。澗下風吹清。幽樹雖改觀。終始在初生。松蒿歡蔓延。楊
葛欣藟縈。眇然遊宦子。晤言時未并。異感改朔氣。眼傷變節榮。榮韻重風
來不可託。烏去豈為聽。

謝靈運九日從宋公戲馬臺集送孔令

季秋邊朔苦。旅雁違霜雪。淒淒陽舛腓。皎皎寒潭潔。良辰感聖心。雲旗興暮節。鳴葭戾朱宮。蘭厄獻時哲。餞宴光有孚。和樂隆所缺。在宥天下理。吹萬羣方悅。歸客遂海隅。脫冠謝朝列。弭棹薄枉渚。指景待樂闕。河流有急瀾。浮騖無緩轍。豈伊川途念。宿心愧將別。彼美邱園道。謂焉傷薄劣。

謝靈運從遊京口北固應詔

玉璽誠誠信。黃屋示崇高。事為名教用。道以神理超。昔聞汾水遊。今見塵外鑣。鳴茄發春渚。稅鑾登山椒。張組眺倒景。列筵矚歸潮。遠巖映瀾薄。白日麗江皋。原隰美綠柳。墟囿散紅桃。皇心美陽澤。萬象咸光昭。顧己枉維繫。撫志慙場苗。工拙各所宜。終以反林巢。曾是縈舊想。覽物奏長謠。

謝靈運永初三年七月十六日之郡初發都

時出為永嘉太守

述職期闌暑。理棹變金素。秋序澄夕陰。火旻團朝露。辛苦誰為情。遊子值續暮。愛似莊念昔。久敬曾存故。如何懷土心。持此謝遠度。李牧愧長袖。卻克慙躑步。良時不見遺。醜狀不成惡。曰余亦支離。休方早有慕。生幸休明。

世親蒙英達顧空班趙氏璧徒乖魏王瓠從來漸二紀始得傍歸路將窮山海迹永絕賞心悟

謝靈運鄰里相送至方山

祗役出皇邑相期憩甌越解纜及流潮懷舊不能發析析就哀林皎皎明秋月含情易為盈遇物難可歇積疴謝生慮寡慾罕所闕資此永幽棲豈伊年歲別各勉日新志音塵慰寂蔑

謝靈運過始寧墅

束髮懷耿介逐物遂推遷達志似如昨二紀及茲年緇磷謝清曠疲薶慙貞堅拙疾相倚薄還得靜者便剖竹守滄海枉帆過舊山山行窮登頓水涉盡洄沿巖峭嶺稍疊洲紫渚連綿白雲抱幽石綠篠媚清漣葺宇臨迴江築觀基曾巔揮手告鄉曲二載期歸旋且為樹枌櫨無令孤願言

謝靈運富春渚

宵濟漁浦潭旦及富春郭定山緬雲霧赤亭無淹薄遡流觸驚急臨圻阻參錯亮乏伯昏分險過呂梁壑洊至宜便習兼山貴止託平生協幽期淪

躋困微弱久露干祿請始果遠遊諾宿心漸申寫萬事俱零落懷抱既昭曠外物徒龍護

謝靈運七里瀨

羈心積秋晨晨接展遊眺孤客傷逝端徒旅苦奔峭石淺水潺湲日落山照耀荒林紛沃若哀禽相叫嘯遭物悼遷斥存期得要妙既秉上皇心豈屑末代諄目覩嚴子瀨想屬任公釣誰謂古今殊異代可同調

謝靈運晚出西射堂

永嘉郡城西

步出西掖門遙望城西岑連嶂疊巖嶠青翠杳深沉曉霜楓葉丹夕曛嵐氣陰節往感不淺感來念已深羈雌戀舊侶迷鳥懷故林含情尚勞愛如何離賞心撫鏡華緇髣攬帶緩促衿安排徒空言幽獨賴鳴琴

謝靈運登池上樓

潛虬媚幽姿飛鴻響達音薄霄愧雲浮棲川忤淵沈進德智所拙退耕力不任狗祿反窮海卧疴對空林衾枕昧節候褰闥暫窺臨傾耳聆波瀾舉目眺嶇嶽初景革緒風新陽改故陰池塘生春草園柳變鳴禽祁祁傷幽

歌萋萋感楚吟。索居易永久。離羣難處心。持操豈獨古。無悶微在今。

謝靈運遊南亭

時竟夕澄霽。雲歸日西馳。密林含餘清。遠峯隱半規。久痾昏墊苦。旅館眺郊歧。澤蘭漸被徑。芙蓉始發池。未厭青春好。已觀朱明移。戚戚感物歎。星星白髮垂。藥餌情所止。哀疾忽在斯。逝將候秋水。息景偃舊崖。我志誰與亮。賞心惟良知。

謝靈運遊赤石進帆海

首夏猶清和。芳草亦未歇。水宿淹晨暮。陰崖屢興沒。周覽倦瀛壖。況乃凌窮髮。川后時安流。天吳靜不發。揚帆採石華。挂席拾海月。溟漲無端倪。虛舟有超越。仲連輕齊組。子牟眷魏闕。矜名道不足。適已物可忽。請附任公言。終然謝天伐。

謝靈運登江中孤嶼

江南倦歷覽。江北曠周旋。懷新道轉迥。尋異景不延。亂流趨正絕。孤嶼媚中川。雲日相輝映。空水共澄鮮。表靈物莫賞。蘊真誰為傳。想像崑山姿。緬

邀區中緣始信安期術得盡養生年

謝靈運登永嘉綠嶂山詩

裹糧杖輕策懷遲上幽室行源逕轉遠距陸情未畢澹漱結寒姿團團潤
霜質澗委水屢迷林迴巖逾密眷西謂初月顧東疑落日踐夕奄昏曙蔽
翳皆周悉疊上貴不事履二美貞吉幽人常坦步高尚邀難匹頗阿竟何
端寂寂寄抱一恬如既已交繕性自此出

謝靈運石室山詩

清旦索幽異放舟越垌郊苒苒蘭渚急藐藐苔嶺高石室冠林陬飛泉發
山椒虛泛徑千載崢嶸非一朝鄉村絕聞見樵蘇限風霄微戎無達覽總
筭羨升喬靈域久韜隱如與心賞交合歡不容言摘芳弄寒條

逖覽者難得惟仙靈或來遊耳此靈域所以久隱一旦得之如交賞心也

戎汝也即承鄉村二句言

謝靈運齋中讀書

昔余遊京華未嘗廢邱壑矧乃歸山川心迹雙寂寞虛館絕諍訟空庭來
鳥雀卧疾豐暇豫翰墨時閒作懷抱觀古今寢食展戲謔既笑沮溺苦又

晒子雲閣執戟亦以疲。耕稼豈云樂。萬事難並歡。達生幸可託。

謝靈運初去郡

彭薛裁知恥。貢公未遺榮。或可優貪競。豈足稱達生。伊余秉微尚。拙訥謝浮名。廬園當棲巖。卑位代躬耕。顧己雖自許。心迹猶未并。無庸方周任。有疾像長卿。畢娶類尚子。薄遊似邴生。恭承古人意。倣裴返柴荆。牽絲及元興。解龜在景平。負心二十載。於今廢將迎。理棹過還期。遵渚驚修坳。溯溪終水涉。登嶺始山行。野曠沙斤淨。天高秋月明。憩石挹飛泉。攀林零落英。戰勝臞者肥。鑒止流歸停。即是羲唐化。獲我擊壤情。

謝靈運田南樹園激流植援

樵隱俱在山。由來事不同。不同非一事。養病亦園中。園中屏氛雜。清曠招遠風。卜室倚北阜。啟扉面南江。激澗代汲井。插槿當列墉。羣木既羅戶。衆山亦當窗。靡迤趨下田。迢遞瞰高峯。寡欲不期勞。即事罕人功。惟開蔣生逕。永懷羊求蹤。賞心不可忘。妙善冀能同。

同字韻重

謝靈運石壁精舍還湖中作

古詩錄

卷七

昏旦變氣候。山水含清暉。清暉能娛人。遊子憺忘歸。出谷日尚早。入舟陽已微。林壑斂暝色。雲霞收夕霏。芰荷迭映蔚。蒲稗相因依。披拂趨南逕。愉悅偃東扉。慮澹物自輕。意愜理無違。寄言攝生客。試用此道推。

謝靈運登石門最高頂

晨策尋絕壁。夕息在山棲。疏峯抗高館。對嶺臨迴溪。長林羅戶穴。積石擁階基。連巖覺路塞。密竹使徑迷。來人忘新術。去子惑故蹊。活活夕流駛。噉噉夜猿啼。沈冥豈別理。守道自不攜。心契九秋幹。目翫三春蕤。居常以待終。處順故安排。惜無同懷客。共登青雲梯。

謝靈運石門新營所住四面高山迴溪石瀨茂林修竹

躋險築幽居。披雲卧石門。苔滑誰能步。葛弱豈可捫。娟娟秋風過。萋萋春草繁。美人遊不還。佳期何由敦。芳塵凝瑤席。清醕滿金尊。洞庭空波瀾。桂枝徒攀翻。結念屬霄漢。孤景莫與援。俯濯石下潭。仰看條上猿。早聞夕飈急。晚見朝日暉。崖傾先難留。林深響易奔。感往慮有復。理來情無存。庶持乘日用。得以慰營魂。匪為衆人說。冀與智者論。

美人六句騷辨之音其亦故國之思耶